

萬 有 文 庫

第二集七百七種

王 雲 五 主 編

廣 雅 疏 證


附 博 雅 音

(七)

張 揖 撰

王 念 孫 疏 證

商 務 印 書 館 發 行



廣雅疏證

附博雅音

(七)

張揖撰

王念孫疏證

國學基本叢書

廣雅疏證卷九下

魏清河張揖撰

高郵王念孫疏證

釋地

神農度四海內東西九十萬里南北八十一萬里

開元占經地占篇引春秋命厯序云神農始立州制形甄度四海東西九十萬里南北八十一萬里續漢書郡國志注引帝王世紀云地說稱日月所照三十五萬里諸子所載神農之地過日月之表近爲虛誕矣

帝堯所治九州地二千四百三十萬八千二十四頃其墾者九百一十萬八千二十頃

二千四百三十萬八千二十四頃各本二十譌作二百藝文類聚太平御覽並引孝經援神契云計校九州之別土壤山陵之大川澤所注萊沛所生鳥獸所聚其墾者九百一十萬八千二十四頃磽塉不墾者千五百二

十萬頃是合而計之共得二千四百三十萬八千二百四頃開元占經引廣雅云唐帝所治九州地二千四百三十萬八千二百四頃今據以訂正

夏禹所治四海內地東西二萬八千里南北二萬六千里出水者八千里受水者八千里

此中山經文也管子地數篇呂氏春秋有始覽淮南子地形訓竝同

四海九州

湖藪陂塘都畎斥澤埏衍皋沼池也

說文湖大陂也王逸注九歎云大池也風俗通義云湖者都也言流瀆四面所猥都也藪之言聚也草木禽獸之所聚也故周語云藪物之歸也說文藪大澤也鄭風大叔于田傳云藪澤也禽之府也周官大宰注云澤無水曰藪澤虞注云水希曰藪是藪爲有水無水之通稱矣說文陂沚也沚與池同月令注云畜水曰陂穿地通

水曰池塘古通作唐周語云陂唐汚庫以鍾其美卷三
云都聚也韓詩外傳云禽獸厭溪山而下於都澤都猶
豬也禹貢大野既豬馬融注云水所停止溪者曰豬史
記夏紀作都周官稻人以豬畜水鄭衆注引左傳規偃
豬後鄭云偃豬者畜流水之陂也檀弓洿其宮而豬焉
鄭注云豬都也南方謂都爲豬畎大澤也其字本作沆
或作坑阮又作亢沆亦爲鹽澤之名其字或作畎又作
坑阮說文沆大澤也徐鍇傳引博物志云停水東方曰
都一名沆王逸注七諫云陂池曰坑王篇畎鹽澤也沆
坑亢三字諸書中或譌作沆或譌作沆或譌作沆或譌
作元久仍其誤而莫之察也亢元字相近淮南子地形
訓東南方曰吳區曰元澤元者亢之譌初學記太平御
覽引淮南子竝作沆沆澤是其證也沆字俗書作沆譌而
爲沆又譌而爲沆風俗通義云謹按傳曰沆者葬也言
其平望莽莽無涯際也沆澤之無水斥鹵之類也今俗
語亦曰沆水數沆字皆沆字之譌沆與莽聲相近皆大
澤之貌故云沆者葬也言其平望莽莽無涯際也沆又
爲鹽澤之名故云斥鹵之類水經巨馬河注云督亢溝
水東逕督亢澤澤包方城縣風俗通曰沆莽也言平望
莽莽無崖際是其證也藝文類聚引續述征記云馬當

沉中有九十臺注云齊人謂湖爲沆沆亦沆之譌沆湖
一聲之轉齊人謂湖爲沆卽博物志所云東方謂停水
曰沆也漢書刑法志除山川沆斥城池邑居園囿術路
沆亦沆之譌沆與斥同類故漢書廣雅皆以沆斥連文
顏師古不知沆之譌爲沆乃云沆謂居溪水之下其失
也鑿矣沆字或作坑俗書作坑因譌而爲坑水經河水
注云濕水東北爲馬當坑坑東西八十里南北三十里
坑者坑之譌坑與沆同卽續述征記之馬當沆也膠水
注云膠水北厯土山注於海土山以北悉鹽坑坑亦坑
之譌北堂書鈔引齊地記云齊有皮邱坑民煮坑水爲
鹽是其證也文選西京賦游鴈高輦絕沆踰斥沆斥皆
澤也沆與沆同故漢書趙充國傳云出鹽澤過長沆李
善注沆音剛失之後漢書馬融傳彌綸沆澤皋牢陵山
陵與山同類沆與澤同類李賢注以沆爲壑亦失之莊
子逍遙遊篇鵬搏扶搖羊角而上者九萬里斥鴳笑之
司馬彪注云斥小澤也本亦作尺淮南子精神訓鳳皇
不能與之儷而况尺鴳乎新序雜事篇尺澤之鯢豈能
與之量江海之大尺竝與斥同鴳在斥中故曰斥鴳作
尺者假借字耳文選七啟注引許慎云鴳雀飛不過一
尺失之澤之言宅也水所宅也故周語云澤水之鍾也

埏衍聲相近故池謂之行亦謂之埏埏曹憲音延各本
埏譌作埏音內延字又譌作廷考說文玉篇廣韻集韻
類篇俱無埏字玉篇埏隰也池也下澤曰隰停水曰池
皆有廣衍之義故皆謂之埏今本玉篇池字譌作地五
音集韻埏池也五音篇海埏隰也池也竝本玉篇玉篇
本於廣雅今據以訂正楚辭九歎巡陵夷之曲衍兮王
逸注云衍澤也卷二云衍廣也小爾雅云澤之廣者謂
之衍襄二十五年左傳井衍沃賈逵注云下平日衍義
與澤謂之衍相近小雅鶴鳴篇鶴鳴于九皋毛傳云皋
澤也韓詩云九皋九折之澤昭二十八年左傳御以如
皋杜注與毛傳同王逸注離騷云澤曲曰皋義
亦相近也召南采芣篇于沼于沚傳云沼池也

都野孟豬彭蠡少原振澤渚毗沛澤雷澤幽都

禹貢原隰底績至于豬野夏本紀作都野地理志作豬
埏又云休屠澤在武威郡武威縣東北古文以爲豬埏
澤又云谷水出姑臧南山北至武威入海海卽休屠澤
也水經禹貢山水澤地都野澤在武威縣東北注云其
水上承姑臧武始澤東北至武威縣故城東水流兩分
一水北入休屠澤俗謂之西海一水東入豬野謂之東

海通謂之都野案都野澤在今涼州府鎮蕃縣東北都
豬古同聲豬野休屠語之轉皆取停水之義孟豬亦猶
是也禹貢道荷澤被孟豬夏本紀作明都地理志作盟
豬周官職方氏青州其澤數曰望諸鄭注云望諸明都
也在睢陽爾雅十藪宋有孟諸文十年左傳遂道以田
孟諸杜注云孟諸宋大藪也淮南子地形訓云孟諸在
沛地理志云禹貢盟諸澤在梁國睢陽縣東北元和郡
縣志云孟諸澤在宋州虞城縣西北周回五十里案孟
豬明都望諸皆同聲假借澤在今歸德府商邱縣東北
接虞城縣界虞城西北有孟諸臺亦故澤地也自元以
後歸德屢被河決澤之畔岸不可復尋矣禹貢云彭蠡
既豬又云漢水南入于江東匯澤爲彭蠡地理志云彭
蠡澤在豫章彭澤縣西案彭蠡澤今日鄱陽湖周回四
百五十里浸南昌饒州南康九江四府之境上承湖漢
豫章諸水北流至湖口縣入江少原渚毗幽都皆未詳
所在振澤一名具區振或作震禹貢震澤底定傳云震
澤吳南大湖名職方氏揚州其澤數曰具區注云具區
在吳南爾雅吳越之間有具區郭注云今吳縣南太湖
卽震澤是也地理志云具區澤在會稽郡吳縣西古文
以爲震澤禹貢山水澤地云震澤在吳縣南五十里夏

本紀索隱云左傳稱笠澤謂震澤也胡氏肅明禹貢錐指曰震澤蓋自吳西南境東出爲松江一名笠澤在今吳江縣界水經注云松江上承太湖更逕笠澤在吳南松江左右國語越伐吳吳禦之笠澤吳軍江北越軍江與太湖俱來苕霅而水草所鍾淺而易溢自底定之後始可陂障民仰其利故職方謂之澤藪而五湖則別之曰浸迨乎日久填淤生殖漸繁遂成沃壤漢後諸儒求其地而不得遂合五湖而一之矣吾意今吳越之交自莫釐武山以東至平望入赤之間皆古震澤地也特世代荒遠川隰更移故其迹不可尋耳水經泗水東過沛縣東注云管許由隱於沛澤卽是縣也縣蓋取澤爲名呂氏春秋求人篇云管者堯朝許由於沛澤之中案沛爲澤名亦爲澤之通稱僖四年公羊傳齊桓公濱海而東大陷于沛澤之中孟子滕文公篇沛澤多而禽獸至是也禹貢雷夏既澤雍沮會同夏本紀集解引鄭注云雍水沮水相觸而合入此澤中職方氏兗州其浸盧維注云盧維當爲雷雍字之誤也引禹貢爲證墨子尙賢篇云舜漁雷澤地理志云禹貢雷澤在濟陰郡成陽縣西北水經瓠子河注云雷澤在大成陽縣故城西北十

餘里其陂東西二十餘里南北十餘里夏本紀正義引括地志云雷夏澤在濮州雷澤縣郭外西北雍沮二水出雷澤西北平地案雷澤在今山東曹州府荷澤縣之東北濮州之東南自五代以後河水衝決雍沮雷澤皆蕩滅無存

池

瓊支瑾瑜昭華白珩璇璜弁和璵璠璆棘碧璫藍田珠璣

琬琰璐瑯璵珣赤瑕

支與枝同楚辭離騷折瓊枝以繼佩九歌益將把兮瓊芳王逸注云瓊玉枝也玉篇引莊子外篇云積石生樹名曰瓊枝其高一百二十仞大三圍以琅玕爲之質說文瑾瑜美玉也宣十五年左傳云瑾瑜匿瑕西山經云瑾瑜之玉堅栗精密濁澤而有光五色發作以和柔剛分言之則或曰瑾或曰瑜楚辭九章云懷瑾握瑜九歎云捐赤瑾於中庭玉藻云世子佩瑜玉皆是也淮南子泰族訓云堯贈舜以昭華之玉西京雜記云秦有玉

笛長二尺二寸二十六孔銘曰昭華之琯昭或作茗藝
文類聚引書大傳云堯贈舜以茗華之玉說文珩佩上
玉所已節行步也晉語白王之珩六雙韋昭注云珩佩
上飾也形似磬而小楚語楚之白珩注云珩佩上之橫
者禮記通作衡珩之言衡也衡施於佩上也一命再命
黜珩三命蒞珩白珩其最貴者玉藻云天子佩白玉是
也說文璿美玉也引僖二十八年左傳璿弁玉纓今本
璿作瓊堯典在璿機玉衡馬融注亦云美玉天官書作
旋後漢書安帝紀作璇竝字異而義同周官大宗伯以
元璜禮北方白虎通義引逸禮云半璧曰璜定四年左
傳分魯公以夏后氏之璜杜注云璜美玉名明堂位云
大璜天子之器也墨子耕柱篇云和氏之璧隋侯之珠
三棘六異此諸侯之所謂良寶也韓非子和氏篇云楚
人和氏得玉璞楚山中奉而獻之厲王厲王使玉人相
之玉人曰石也王以和爲誑而刖其左足及武王卽位
和又奉其璞而獻之武王武王使玉人相之及曰石也
王又以和爲誑而刖其右足及文王卽位和乃抱其璞
而哭於楚山之下三日三夜王乃使玉人理其璞而得
寶玉焉遂命曰和氏之璧新序雜事篇和氏作弁和定
五年左傳陽虎將以璵璠斂杜注云璵璠美玉君所佩

釋文璠本又作與說文云與璠魯之寶王孔子曰美哉
 與璠遠而望之與若也近而視之瑟若也一則理勝一
 則孚勝僖二年公羊傳璠之白璠何休注云璠棘出
 美王之趙岐孟子注同碧璠蓋青黑色玉也璠之言
 璠也釋器云碧青也璠黑也淮南子汜論訓云劍工惑
 劍之似莫邪者唯歐冶能名其種玉工眩玉之似碧璠
 者唯猗頓不失其情盧與璠通漢書地理志云京兆尹
 藍田縣山出美玉外戚傳云璧帶往往為黃金釭函藍
 田璧說文璠璠玉也璠與璠同亦通作來晉書輿服志
 云九嬪銀印青綬佩來璠玉說文璠玉也楚辭九章被
 明月兮佩寶璠王逸注云寶璠美玉也文選雪賦注引
 許慎淮南子注同淮南子脩務訓唐碧堅忍之類猶可
 刻鏤以成器用高誘注云唐碧石似玉唐與璠通說文
 璠三采玉也周官弁師璠玉三采故書璠作璠鄭衆注
 云璠惡玉名中山經穀水多璠玉今本璠譌作璠水經
 穀水注及太平御覽竝引作璠說文璠玉小赤也司馬
 相如上林賦赤瑕駁犖張注云赤瑕赤玉也張衡七辯
 云玩赤瑕之璠幽瑕者赤色之名赤雲氣謂之霞赤玉
 謂之瑕馬赤曰雜毛
 謂之駁其義一也

玉

水精謂之石英璫璃珊瑚玫瑰夜光隋侯虎魄金精璣

珠爲蚌精之名亦爲美石之通稱故其字從玉爾雅西方之美者有霍山之多珠玉焉郭璞注云珠如今雜珠而精好是珠又爲美石之通稱矣英衆經音義卷七引廣雅作瑛南山經堂庭之山多水玉郭璞注云水玉今水精也太平御覽引廣志云水精出大秦黃支諸國劉楨魯都賦云水精潛光乎雲穴說文珣石之有光璧珣也珣與璫同藝文類聚引韻集云璫璃火齊珠也又引廣志云璫璃出黃支斯調大秦日南諸國又引南州異物志云璫璃本質是石欲作器以自然灰治之鹽鐵論力耕篇云璧玉珊瑚璫璃咸爲國之寶璫璃古通作琉離漢書西域傳屬賓國出璧流離孟康曰流離青色如玉顏師古曰魏略云大秦國出赤白黑黃青綠縹紺紅紫十種流離此蓋自然之物采澤光潤踰於衆玉今俗所用皆銷冶石汁加以衆藥灌而爲之尤虛脆不貞實非其物也說文珊瑚色赤生於海或生於山司馬相如上林賦珊瑚叢生郭璞注云珊瑚生水底石邊大者樹

高三尺餘枝格交錯無有葉漢書西域傳云罽賓國出
珊瑚名醫別錄云珊瑚生南海蘇恭注云似玉紅潤中
多有孔亦有無孔者又出波斯國及師子國太平御覽
引元中記云珊瑚出大秦西海中生水中石上初生曰
一年黃三年赤四年蟲食敗珊瑚或曰蘇胡開元占經
器服占篇引孝經援神契云王者要誓信則蘇胡鉤出
太平御覽引作珊瑚鉤玉篇引倉頡篇云玫瑰火齊珠
也韓非子外儲說左篇云綴以珠玉飾以玫瑰司馬相
如子虛賦其石則赤玉玫瑰晉灼注亦云火齊珠顏師
古云火齊珠今南方之出火珠也裴松之注魏志引魏
略云大秦國多玫瑰劉逵吳都賦注引異物志云火齊
如雲母重沓而可開色黃赤似金出日南墨子耕柱篇
云和氏之璧隋侯之珠三棘六異此諸侯之所謂良寶
也初學記太平御覽引墨子隋侯竝作夜光史記田敬
仲世家梁王曰寡人有徑寸之珠照車前後各十二乘
者十枚卽所謂夜光之珠也或謂之明月趙策云明月
之珠和氏之璧文選西都賦注引許慎淮南子注云夜
光之珠有似明月故曰明月也凡珠玉之有光者通謂
之夜光故楚策云夜光之璧揚雄羽獵賦云椎夜光之
流離流離亦珠也莊子讓王篇云以隨侯之珠彈千仞

之雀趙策云操隨侯之珠時宿於野隨侯之珠猶言夏
后氏之璜封父之繁弱耳淮南子注所稱大蛇銜珠之
事近於虛誕矣急就篇云係臂琅玕虎魄龍漢書西域
傳云罽賓國出虎魄博物志云神仙傳松脂淪入地中
千年化為茯苓而無虎魄益州永昌出虎魄虎魄一名江珠今
泰山有茯苓而無虎魄益州永昌出虎魄而無茯苓所
未詳也太平御覽引廣志云虎魄生地中其上及旁不
生草淺者四五尺深者八九尺大如斛削去外皮中成
虎魄如斗初時如桃膠凝堅乃成出博南縣舊唐書西
域傳云俱蘭國出金精太平御覽引劉楨清慮賦云憑
文瑤之几對金精之盤說文璣珠不圓也禹貢厥篚元
纁璣組釋文引字書云璣小珠也呂氏春秋重已篇云
人不愛崑山之玉江漢之珠而愛已之一蒼
璧小璣王逸注七諫云圓澤為珠廉隅為璣

珠

蜀石硯硃硃硃硃武夫現瑀瑀石瑀瑀

司馬相如上林賦蜀石黃硯張注云蜀石石之次王者
也說文硯石次王者字或作瑀瑀瑀玉藻云士佩瑀玟

中山經云扶豬之山其上多礪石史記司馬相如傳子
虛賦琬石武夫漢書作礪文選作礪爾雅釋文引應劭
注云礪石出鴈門白者若水半有赤色玨與下璿字同
玉藻士佩璿玨鄭風子衿傳作璿玨管子揆度篇云陰
山之礪礪說文玨石之美者又云玨石中山經云岐山其陰
子貴玉而賤礪鄭注云礪石似玉中山經云岐山其陰
多白玨楚辭九歎藏璿石於金匱今王逸注云璿石石
次玉者玨璿玨璿玨玨字異而義同碑礪古通作車渠璿
文類聚引廣志云車渠出大秦國及西域諸國南海藥
譜引集韻云車渠玉石之類形似蚌蛤有文理魏文帝
車渠璿賦序云車渠玉屬也多纖理縛文生於西國其
俗寶之小以繫頸大以爲器礪通作馬腦藝文類聚
引廣志云馬腦出西南諸國魏文帝馬腦勒賦序云馬
腦玉屬也出自西域文理交錯有似馬腦故其方人因
以名之或以繫頸或以飾勒南山經會稽之山其下多
硃石郭璞注云硃石武夫石似玉今長沙臨湘出之魏
策云白骨疑象武夫類玉張注子虛賦云武夫石之次
王者赤地白采蔥龍白黑不分太平御覽引廣志云武
夫有白黑可以爲枋棊四子講德論作砮硃琨珉通作
昆吾說文琨石之美者禹貢璿琨篠簜王肅注云璿琨

美石次王者也案琨卽琨瑀也琨瑀謂之琨猶砮砮謂之砮砮功謂之砮子虛賦琳瑯昆吾謂石之次王者也張注子虛賦云昆吾山名也出善金引尸子昆吾之金史記索隱引何圖云梳州多積石名昆吾石鍊之成鐵以作劍光明如水精於事爲不類矣中山經葛山其下多瑛石郭注云瑛石瑛功石似玉也說文作玲璫云石之次王者子虛賦瑛瑛功元厲張注與說文同玉篇珂石次玉也亦瑛瑛瑛白如雪者案珂者馬勒飾石形似之因以名焉左思吳都賦致遠流離與珂瑛劉逵注云老鵬入海化爲瑛已裁割若馬勒者謂之珂亦其類也

石之次玉

東方有魚焉如鯉六足身尾其名曰鯢南方有鳥焉三首六目六足三翼其名曰鸞西方有獸焉如鹿白尾馬足人手四角其名曰獲如北方有民焉九首蛇身其名曰相